

ЖШС «Айсауле» бөбекжай балабақшасы
Меңгеруші жанындағы кеңестің

№ 1 хаттамасы

Қатысқандар : 12

08.09.2022 ж

КҮН ТӘРТІБІ:

1. Топтардың жаңа оқу жылына дайындығы.Шолу тексерудің қорытындысы
2. Жалпы ата-аналар жиналысына дайындық
3. Мониторинг-2022 өзгешеліктерімен таныстыру
4. Тіл мерекесіне арналған апталықтың іс-шаралары және «Алтын күз» мерекесінің бағдарламасын бекіту
5. Балаларды жас ерекшелігіне сай топтарға бөлу, тәрбиешілерді бекіту

1.ТЫҢДАЛДЫ:

Балабақша меңгерушісі Т.А.Марихова «Топтардың жаңа оқу жылына дайындығы» Шолу тексерудің қорытындысына тоқталып өтті.

- Біздің басты мақсатымыз балаларды толыққанды дамыту - қимыл белсенділігіне жағдай жасау, пайдалы және құнарлы тамақтандыру, жағымды қарым-қатынас орнату және дамытушы ортаны ұйымдастыру арқылы қамтамасыз етілетін баланың физикалық, психологиялық, әлеуметтік, эмоционалдық денсаулығы мен қауіпсіздігі болып табылады. Мемлекет басшысының Қазақстан Республикасы Президентінің жанындағы ұлттық қоғамдық сенім кеңесінің 2020 жылғы 27 мамырдағы үшінші отырысында берген тапсырмаларын іске асыру жөніндегі ісшаралар жоспарының 1-тармағын орындау үшін Қазақстан Республикасы Үкіметінің 2021 жылғы 23 наурыздағы №137 қаулысымен Мектепке дейінгі тәрбие мен оқытуды дамыту моделі .Бүгінгі күні жаңа Моделді іске асыру шеңберінде Қазақстан Республикасы Оқу-ағарту министрінің 2022 жылғы 3 тамыздағы № 348 бұйрығымен Мектепке дейінгі тәрбие мен оқытудың мемлекеттік жалпыға міндетті стандарты Қазақстан Республикасы Оқу-ағарту министрінің 2022 жылғы 9 қыркүйектегі № 394 бұйрығымен Мектепке дейінгі тәрбие мен оқытудың үлгілік оқу жоспарлары бекітілді.

Жаңа оқу жылында жаңа стандарт талаптарын, жаңа үлгілік оқу жоспарына сәйкес оқу тәрбие жұмыстарын ұйымдастыруда балабақшамыздың ішкі жағдайында балаларды тәрбиелеуде демек, педагогтерге ойынға басымдық беру ұсынылады. Ол үшін балалардың қызығушылықтарына сәйкес заттық-дамытушы ортаны құру және ұйымдастырылған іс-әрекетті балалардың бастамаларын, пікірлері мен тілектерін

ескере отырып, оларды зеріктірмей, балалардың түрлі әрекеттерін ұйымдастыру арқылы қызықты ойын түрінде өткізу көзделеді. Шолу тексеру нәтижелері орташа деп бағалаймын, толықтырулар қажет етеді. Аталған басымдықтарды, талаптарды ескере отырып, толықтырулар жүргізуді тапсырды.

2.ТЫҢДАЛДЫ:

Балабақша меңгерушісі Т.А.Марихова Жалпы ата-аналар жиналысына дайындық жөнінде тоқталып кетті:

Балабақшаның алдына қойылған міндеттерінің бірі- тәрбиелеу-білім беру процесінің нәтижелі болуы үшін ата-аналардың жауапкершілігін арттыруды көздейді. Балаларды дамыту, тәрбиелеу мен оқыту процесіне ата-аналарды тартуымыз қажет. Осы екі мәселеге сүйенейік:

- ата-аналардың педагогикалық мәдениетін арттыру;
- ата-аналарды мектепке дейінгі ұйымның қызметіне тарту.

Балабақшада балаларды тәрбиелеу мен оқыту үшін жауапкершілікті іске асыруда ата-аналарға көмек көрсету арқылы педагогикалық процеске белсенді қатысушылар ретінде тарту мақсаты қойылған. Аталған мақсатқа қол жеткізу үшін: әр тәрбиеленушінің отбасымен әріптестік қарым-қатынас орнату;- балаларды дамыту мен тәрбиелеу үшін отбасы мен мектепке дейінгі ұйымның күш-жігерін біріктіру; консультациялық кеңестің жұмысын кеңейту; Ата-аналармен жұмыста тренингтер, семинарлар, «игі істер күндері», ата-аналардың қатысуымен педагогикалық кеңес, ата-аналар конференциясы, дәстүрлі емес қарым-қатынас нысандары түрінде өтетін ата-аналар жиналыстарының жаңа форматтарын пайдалану қажет деген тапсырмалар берді.

3.ТЫҢДАЛДЫ:

Балабақша әдіскері А.П.Мельдебекова Мониторинг - 2022 өзгешеліктерімен таныстырып өтті:

Баланың даму динамикасы туралы ақпарат алу үшін диагностика негізінде Үлгілік бағдарламаның мазмұнын меңгеру бойынша мониторинг жүргізіледі. Бастапқы бақылау нәтижелері бойынша дамыту, түзету іс-шаралары қазан - желтоқсан, Аралық бақылау нәтижелері бойынша дамыту, түзету іс-шаралары, ақпан - сәуір қорытынды бақылау нәтижелері бойынша дамыту, түзету іс-шаралары жүргізіледі.

Мониторингтің мақсаты:

- баланың жетістіктерін қадағалау;
- балаларды тәрбиелеу мен дамытуда жеке тәсілдерді қамтамасыз ету;
- түзету іс-шараларын жедел жоспарлау негізінде білім беру процесін жетілдіру;
- баланың Үлгілік бағдарлама мазмұнын меңгеру деңгейін анықтау.

4.ТЫҢДАЛДЫ:

Балабақша меңгерушісі Т.А.Марихова Тіл мерекесіне арналған апталықтың іс-шаралары және «Алтын күз» мерекесінің бағдарламасын бекітті және тіл мерекесіне Ересек топ бүлдіршіндерімен тілдік интеллектуалды сайыстар ұйымдастыруды тапсырды.

5.ТЫҢДАЛДЫ:

Балабақша меңгерушісі Т.А.Марихова жаңа 2022 – 2023 оқу жылындағы балалардың жас ерекшелігіне сай топтарға бөлу, тәрбиешілерді бекіту кестесімен таныстырды.

ШЕШІМ:

1. Шолу тексеру нәтижелерінде аталған басымдықтарды, талаптарды ескере отырып, толықтырулар жүргізу.

Жауаптылар: Өдіскер А.П.Мельдебекова тәрбиешілер

2. Балаларды дамыту, тәрбиелеу мен оқыту процесіне ата-аналарды тарту мақсатында 20-қыркүйек күніне жалпы ата-аналар жиналысын шақыру.

Жауапты: Өдіскер А.П.Мельдебекова

3. Балаларның жетістіктерін қадағалау, тәрбиелеу мен дамытуда жеке тәсілдерді қамтамасыз ету, баланың Үлгілік бағдарлама мазмұнын меңгеру мақсатында кезеңдерімен жүргізу. Жауаптылар: Өдіскер А.П.Мельдебекова тәрбиешілер

4. Тіл мерекесі арналған апталықтың іс-шаралары және «Алтын күз» мерекесін жауапкершілікпен атап өткізілсін. Жауаптылар: Музыка жетекшісі педагогтар.

5. 2022-2023 оқу жылындағы бекітілген тәрбиешілер балалардың жас ерекшелігіне сай топтағы оқу-тәрбие үдерісі жас ерекшелігіне сай ұйымдастырылсын. Жауаптылар: Өдіскер А.П.Мельдебекова тәрбиешілер.

Төрайымы:  Т.А.Марихова

Хатшы:  А.П.Мельдебекова

Меңгеруші жанындағы кеңестің

№ 2 хаттамасы

Қатысқандар : 12

17.11.2022 ж

КҮН ТӘРТІБІ:

1. Өткен кеңестің шешімдерінің орындалуы жөнінде
2. Топтарда «Жыл мезгілдеріне арналған бұрыштар» сапасы
3. «Тәуелсіздік тұғырым» тақырыбында ашық есік күнін өткізу
4. Тәуелсіздік күні, Жаңа жыл мерекелерінің бағдарламасының бекіту

1.ТЫҢДАЛДЫ:

Өткен кеңестің шешімдерінің орындалуы жөнінде музыка жетекшісі

У.Набиев сөз алды:

«Қарлығаш» ересектер тобының тәрбиешісі Ж.Набиева ұйымдастыруымен «Тіл жүйрігі» топ бүлдіршіндерімен тілдік интеллектуалды сайыстар ұйымдастырылды. Қызықты өтті.

«Алтын күз» мерекесінде концерттік балалар мерекені сезінердей зал безендірілді, көкөністер мен жемістерден көрме ұйымдастырылды.

Бағдарламасында әсем де , молшылық белгісі күз жылмезгіліне сай әндер, билер, сахналық қойылымдар, билер болды.

Сөйлегендер: Балабақша меңгерушісі Т.А.Марихова топтарда Жыл мезгілдеріне арналған көрменің әдемілігін, тақырыбын, мазмұнының сапасын өте жақсы деп бағалап өтті.

2.ТЫҢДАЛДЫ:

Балабақша меңгерушісі Т.А.Марихова топтарда «Жыл мезгілдеріне арналған бұрыштар сапасы» тақырыбында өткен шолу тексеру қорытындысына баға беріп өтті: Балаларды тірі және өлі табиғат құбылыстары туралы білімдерін кеңейту мақсатында , өсімдіктердің тірі тіршілік иесі екендігін бақылау және себеп-салдарлық байланыстарды ажырату мақсатында,еңбекке баулу мақсатында топтарда табиғат бұрышы бар. Өсімдік жапырақтары, сабақтарының қозғалуы, гүлдердің күн шыққанда жапырақтарының ашылуы және кешке жабылуы, тамырдың суды сорып, сабағы арқылы су өткізіп, басқа бөліктерін қоректендіруі, өсімдіктердің өсуі үшін ылғалдың, жарықтың, жылу мен тыңайтқыштың қажеттігі олардың жылуды, суықты, күнді немесе бұлтты ауа-райын сезуі, олардың өсуі және көбеюі. Өсімдіктерге

қажеттіліктеріне сәйкес күтім жасау әдістерін білу: оларды суару, түбін қопсыту, жапырақтың шаңын сүрту балаларға көп қуаныш
силайды. Ұсыныстар: бөлме гүлдерін көбейту, терезе алдындағы көшеттер
отырғызу пияз, қызылша, сарымсақ егу, бақылау жасау.

3.ТЫҢДАЛДЫ:

Балабақша меңгерушісі Т.А.Марихова балабақшада ұлттық мерекеміз Тәуелсіздік күніне орай Ашық есік күнін өткізуді, тақырыпқа сай топ тәрбиешілері ұйымдастырылған іс-әрекеттерін, мерекелік концерттік бағдарламасын құру, көрме ұйымдастыруды әдіскер Ж.Байбатшаева тапсырды. Желтоқсанның ішінде «Тәуелсіздік тұғырым» тақырыбында ашық есік күнін өткізу жоспарланды.

4.ТЫҢДАЛДЫ:

Балабақша меңгерушісі Т.А.Марихова Тәуелсіздік күні, Жаңа жыл мерекелерінің бағдарламасын бекітті. Педагогтерге жауапкершілікпен өткізу, балаларға жағдай жасалу, қауіпсіздік туралы тапсырмалар берілді.

5.ТЫҢДАЛДЫ:

Балабақша әдіскері К.Мусабекова педагогтарды «Балаларды ерте дамыту институтының» 2022 жылғы 23 қарашадағы мектепке дейінгі тәрбие мен оқытудың үлгілік оқу бағдарламасының нұсқаулығымен таныстырып, педагогтарға ондағы ұсынылған материалдардың мазмұнын, тиімділігі, барлық ертегілер, ойындар сілтемеде берілгенін, оқу тәрбие ісіне ендіруді, пайдалануды тапсырды.

ШЕШІМ:

1. «Жыл мезгілдеріне арналған бұрыштар сапасы» тақырыбында өткен шолу тексеру қорытындысында берілген ұсыныстар түзетілсін.

Жауаптылар: тәрбиешілер

2. Желтоқсанның ішінде «Тәуелсіздік тұғырым» тақырыбында ашық есік күнін өткізу жоспарланып, ұйымдастырылсын.

Жауаптылар: Әдіскер А.П.Мельдебекова, тәрбиешілер, музыка жетекшісі

3. Тәуелсіздік күні, Жаңа жыл мерекесіне арналған іс-шараларда қауіпсіздік ережесін сақтау. Жауаптылар: Барлық педагогтар

4. Педагогтар 2022 жылғы 23 қарашадағы мектепке дейінгі тәрбие мен оқытудың үлгілік оқу бағдарламасының нұсқаулығымен жұмыс жүргізу, оқу тәрбие ісіне ендіру, пайдалану. Жауапты: тәрбиешілер.

Төрайымы:



Т.А.Марихова

Хатшы:



А.П.Мельдебекова

ЖШС «Айсауле» бөбекжай балабақшасы
Меңгеруші жанындағы кеңестің

№ 3 хаттамасы

Қатысқандар : 13

17.12.2022 ж

КҮН ТӘРТІБІ:

1. Өткен кеңестің шешімдерінің орындалуы жөнінде

2. Тәуелсіздік күні, Жаңа жыл мерекелерін талқылау

3.Бастапқы мониторинг нәтижесі

1.ТЫҢДАЛДЫ:

Өткен кеңестің шешімдерінің орындалуы жөнінде балабақша меңгерушісі

Т.А.Марихова сөз алды:

Желтоқсан айында өткен «Тәуелсіздік тұғырым» тақырыбында ашық есік күнінде тәрбиешілер жаңа технологиялық инновацияларды қолдана отырып, соңғы 2022 жылғы 14 қазанда бекітілген үлгілік оқу бағдарламасының мақсат, міндеттеріне, мазмұнына сай ойын түрінде өткізген тәрбиеші Қ.Абантаеваға алғысын білдірді. Музыка жетекшісі концерттік бағдарламаның жинақылығы, балаларды өнерге баулып, ерекшеліктері мен қабілеттерін ескеріп, ұлттық мәдениетке, патриоттық тәрбие берудегі еңбегі үшін алғыс білдіріп, марапаттады.

Сонымен бірге ұжым «Жаңа жыл» ертеңгілігін талқылап, бағалап өтті.

Жалпы жасыл шырша жанында ертегілер кейіпкерлері, қызықты сәттер көп болды. Балалар қуанышты, көңілді болып, ойын, билерге ықыласпен қатысып, Аяз атадан сыйлықтарын алып, мәре-сәре болып тарқады.

2.ТЫҢДАЛДЫ:

Бастапқы мониторинг нәтижесі жөнінде балабақша меңгерушісі

Т.А.Марихова сөз алды: Баланың даму динамикасы туралы ақпарат алу үшін диагностика негізінде Үлгілік бағдарламаның мазмұнын меңгеру бойынша мониторинг жүргізілді Мониторингтің мақсаты:

- баланың жетістіктерін қадағалау;
- балаларды тәрбиелеу мен дамытуда жеке тәсілдерді қамтамасыз ету;

Бастапқы бақылау нәтижелері бойынша дамыту.

Балабақша бойынша үлгілік оқу бағдарламасын игерудің жалпы %
Денсаулық сақтау дағдылары
I-Деңгей-11,5, II-Деңгей-30,2 III-Деңгей-58,1
Коммуникативті тілдік дағдылар I-Деңгей-17,4
II-Деңгей-50,8 III Деңгей-34,1
Танымдық дағдылар I-Деңгей 10,8,
II-Деңгей -62,1 III-Деңгей-27
Шығармашылық дағдылар I-Деңгей -15,7
II-Деңгей-57 , III-Деңгей-22,2
Әлеуметтік дағдылар I-Деңгей-18,9,
II-Деңгей 63, III-Деңгей-18

Үлгілік оқу бағдарламасының мақсат-міндеттерін игеруді, жеке даму картасындағы бастапқы түзету шараларын меңгеру мақсатында жұмыс жүргіземіз деп аяқтады.

ШЕШІМ

1. Тәуелсіздік күні, Жаңа жыл мерекелерін өткізу деңгейі жақсы деп бағалансын.

2. Үлгілік оқу бағдарламасының мақсат-міндеттерін игеруді, жеке даму картасындағы бастапқы түзету шараларын меңгеру мақсатында жұмыс жүргізілсін.

Төрайымы:  Т.А.Марихова

Хатшы:  А.П.Мельдебекова

Кезекті меңгеруші жанындағы кеңестің

Хаттамасы

Қатысқандар: 13

26.12.2022 ж

КҮН ТӘРТІБІ:

1. Педагогтерді мектепке дейінгі тәрбие мен оқытудың үлгілік оқу бағдарламасы мазмұнын меңгеру бойынша мониторинг жүргізудің әдістемелік ұсынымымен таныстыру.

1.ТЫҢДАЛДЫ:

Балабақша әдіскері А.П.Мельдебекова- Сарыағаш ауданының адами әлеуетті дамыту бөлімі Түркістан облысы адами әлеуетті дамыту басқармасының 2023жыл 10 қаңтардағы №21-12-03/3057 хатына сәйкес «Мектепке дейінгі тәрбие мен оқытудың үлгілік оқу бағдарламасы мазмұнын меңгеру бойынша мониторинг жүргізудің әдістемелік ұсынымға» сәйкес 2022-2023 оқу жылындағы мектеп жасына дейінгі балалардың жеке және жас ерекшеліктерін ескере отырып қабілеттері мен дағдыларының даму деңгейін қадағалау бойынша аралық мониторинг нәтижелерін Excel форматында толтыру, жұмыс жүргізу туралы түсіндіріп өтті.

Әр топқа жас ерекшелігіне сай арнай ашылған парақшалар бар, топ атауын, бала тізімін толтырып, үлгілік оқу бағдарламасы мазмұнын меңгеру бойынша нәтижелер бағаналарға берілген, бір бағанаға баланың меңгеру керек нәтижесін төмен, орта, жоғары бағамен үшке бөліп көрсеткен, оны N-1, N-2, N-3 деген формуламен берген, осы үш бағананың біреуіне баланың үлгеріміне қарай 1 деген санмен белгілейміз, сонда нәтиже пайызбен соңына өзі шығады.

Балабақша бойынша, Денсаулық сақтау дағдылары, Коммуникативті тілдік дағдылар, Танымдық дағдылар, Шығармашылық дағдылар, Әлеуметтік дағдылар бойынша пайызымен астыңғы жолақтарға Excel форматында есептеп шығарады деп түсіндіріп өтті.

ШЕШІМ:

1. «Мектепке дейінгі тәрбие мен оқытудың үлгілік оқу бағдарламасы мазмұнын меңгеру бойынша мониторинг жүргізудің әдістемелік ұсынымға» сәйкес 2022-2023 оқу жылындағы мектеп жасына дейінгі балалардың жеке және жас ерекшеліктерін ескере отырып қабілеттері мен дағдыларының даму деңгейін қадағалау бойынша аралық мониторинг нәтижелерін Excel форматында толтыру, жұмыс жүргізу. Жауапты: Әдіскер А.П.Мельдебекова Тәриешілер.

Төрайымы:



Т.А.Марихова

Хатшы



А.П.Мельдебекова

Кезекті меңгеруші жанындағы кеңестің

Хаттамасы

Қатысқандар: 13

26.12.2022 ж

КҮН ТӘРТІБІ:

1. ҚР ОАМ Балаларды ерте дамыту институтының балабақшада жаңа жыл мерекесін өткізуге арналған нұсқаулығымен танысу, талқылау.

ТЫҢДАЛДЫ:

Балабақша меңгерушісі Т.А.Марихова өз сөзінде:

- Педагогтің мерекені ұйымдастыруды жоспарлауы мереке тақырыбын таңдаудан басталады. Ұсынылатын тақырыптар:

«Кел, Жаңа жыл!» «Қысқы ертегі»

«Құтты болсын жаңа жыл!».

Осы кеңесте басқа да қызықты тақырыптарды қарастырып, бірлесіп таңдауға болатынын, мереке бағдарламасын жас топтарының тәрбиешілері музыка жетекшісімен бірге құрастыруды, сондай - ақ рөлдер мен міндеттерді өзара бөлісуді, атрибуттарды, костюмдерді дайындау, безендіру жұмыстарының дизайнына және қауіпсіздік шараларына мән беруді, залды, дәлізді, топты шығармашылықпен безендіру, мерекедегі жеке орындауға костюмдер мен атрибуттарды дайындау балалардың қызығушылығын тудырады, оларды ерекше әсерге бөлейді деп тапсырды.

СӨЙЛЕГЕНДЕР:

Балабақша әдіскері А.П.Мельдебекова

- Балалардың тез жалығатындығын ескере отырып, мереке желісінің түрлі қызықты белсенді әрекетке ауысып отыруына мән берілуді. Мереке бағдарламасы балалар мерекені толықтай көріп, көңіл көтеруге барлығы қатыса алатындай етіп құрылуы тиіс. Бала өзі қатысып билегенде, ойнағанда, ән айтқанда ғана көңілі көтеріледі.

ШЕШІМ:

1. Мереке балаларға қызықты, жалықпайтындай, қауіпсіз етіп ұйымдастырылсын. Жауаптылар: әдіскер А.П.Мельдебекова, тәрбиешілер, музыка жетекшісі

Төрайымы:



Т.А.Марихова.

Хатшы:



А.П.Мельдебекова.

ЖШС «Айсауле» бөбекжай балабақшасы
Меңгеруші жанындағы кеңестің
№ 4 хаттамасы

Қатысқандар : 13

01.03.2023 ж
КҮН ТӘРТІБІ:

1. Өткен кеңестің шешімдерінің орындалуы жөнінде
2. Сегізінші наурыз, Наурыз мерекелерінің бағдарламасын бекіту
3. «Балалардың күн тәртібіне сәйкес таза ауада болуы» Жедел тексеру қорытындысы

1. ТЫҢДАЛДЫ:

Өткен кеңестің шешімдерінің орындалуы жөнінде балабақша меңгерушісі Т.А.Марихова сөз алды:

Үлгілік оқу бағдарламасының мақсат-міндеттерін игеруде балалардың жеке даралығын, қызығушылын, ерекшеліктері мен қажеттіліктерін ескере отырып жалпы адами құндылықтар негізінде дамыту басты назарда болуын атап өткен болатынбыз. Күнделікті ойындарда ұлттық ойындардың элементтерін қолдану, ұлттық нақыштарды шығармашылық жұмыстарға жүйелі ендіру, мерекеге безендіруде жалпы ұлттық салт-дәстүрге сай болуына мән беруді тапсырды.

2. ТЫҢДАЛДЫ:

Сегізінші наурыз, Наурыз мерекелерінің бағдарламасының мазмұны жөнінде музыка жетекшісі түсіндіріп өтті. Топтарда аналар мен әжелерге арналған әндер, тақпақтар, ойындар мен қойылымдар жас ерекшеліктеріне қарай жоспарлануда. Дайындық жұмыстары жүргізілуде.

СӨЙЛЕГЕНДЕР:

Тәрбиеші Б.Жумабекова – Қыздарымыз бен ұлдарымыз полька биіне билейді, костюмдерді ата-аналармен бірлесе отырып тандадық, сәнді кеудешелер мен юбка тігетін болдық, материалдарын алсақ, өзім әр қызға тігемін. Жеке әндеріміз де бар.

Балабақша меңгерушісі Т.А.Марихова - «Балалар жалықпайтын болсын, қысқа би, қысқа ойындар жоспарлы түрде өткізілсін»- деп тапсырды.

Балабақша әдіскері А.П.Мельдебекова балабақшадағы Ұлыстың Ұлы күні Наурыз мерекесін аулада ауданымыздың, ауылдың аналар алқасын, ақсақалдар алқасын, ауыл әкімшілігінен қонақтар шақырып кең көлемде атап өтуді ұсынды. Ұлттық бұйымдардан көрме ұйымдастырып, ата-аналарды салт-дәстүрімізді насихаттауға қатыстыруды, ұжымдастар мен бүлдіршіндер түгел ұлттық костюмде болсақ, ән- биімізбен, сахналаумен жандана түсер еді деп жоспарларымен таныстырып өтті.

3.ТЫҢДАЛДЫ:

Балабақша меңгерушісі Т.А.Марихова.

«Балалардың күн тәртібіне сәйкес таза ауада болуы» жедел тексеру қорытындысына тоқталып өтті:

Балабақшада педагогтардың басты міндеттерінің бірі балалардың жас ерекшеліктерін ескере отырып, күні бойы балалардың физикалық белсенділігіне уақыт бөлінеді, ол қимыл белсенділігі, ден шынықтыру-сауықтыру шаралары (таңертеңгі жаттығу, сергіту сәті, шынықтыру шаралары), мәдени-гигиеналық дағдылар, ойын әрекеті, дербес белсенді және т.б. әрекеттер арқылы күн тәртібіне сәйкес ұйымдастырады. Балалардың дене белсенділігін арттыру үшін қимылды ойындарға соның ішінде ұлттық қимылды ойындарға басымдық беру және балалардың дербес қимылды әрекетін таңертең, таңғы астан соң, серуен кездерінде, ұйқыдан соң. Балалардың ұлтына, әлеуметтік статусына, психофизиологиялық және басқа да ерекшеліктеріне қарамастан барлығына бірдей көңіл бөлу және әділ болу керек. Жалпы күн тәртібіндегі аталған міндеттер барлық ұйымдастырылған іс-әрекеттер арқылы іске асырылатын болады. Балалардың құқықтарын, өмірін қорғау, денсаулығын нығайту қамтамасыз етіледі; салауатты өмір салтының негіздері, қауіпсіз өмір сүру дағдылары, қимылқозғалыс, бейімделу. Жалпы жедел тексеру қорытындысы осы міндеттерге сай болуын талап етемін. Жыл мезгілдерінің ауа-райы қолайлы күндері балалар күн тәртібіне сай таза ауада болуы, жүйелі жұмыс жүргізілсін деп ұсыныстар берілді.

ШЕШІМ:

1. Үлгілік оқу бағдарламасының мақсат-міндеттерін игеруде балалардың жеке даралығын, қызығушылын, ерекшеліктері мен қажеттіліктерін ескере отырып оқу тәрбие үдерісін жүргізу
2. Сегізінші наурыз аналар мерекесі 6-7 наурыз күндері жоспар бойынша жауапкершілікпен атап өтілсін. Жауаптылар: Сазгер және тәрбиешілер
3. Ұлыстiң Ұлы күні Наурыз мерекесін аулада 17-наурыз күні ауданымыздың, ауылдың аналар алқасын, ауылдың ақсақалдар алқасының ауыл әкімшілігі мамандар қатысуымен атап өтілсін. Жауаптылар әдіскер Ж.Байбатшаева, сазгер тәрбиешілер
4. Жыл мезгілдерінің ауа-райы қолайлы күндері балалар күн тәртібіне сай таза ауада болуы, жүйелі жұмыс жүргізілсін. Жауаптылар: әдіскер, тәрбиешілер.

Төрайымы:



Т.А.Марихова

хатшы:



А.П.Мельдебекова